



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 2. Catholicorum Querelæ.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

peratorem perscripsit, quid prima die <sup>Sæculum V.</sup> egisset, dicens, se, quantum posset, Epis- <sup>A.C. 431.</sup> copos ad concordiam hortari, & nullam viam intentatam relicturum, quamvis vix modica spes affulgeret reducendæ pacis, quod videret animos utrinque acerrime commotos.

§. II.

*Catholicorum querelæ.*

Episcopi Catholici, id est, pars Concilii magna, & sana, Comitis Joannis facto offensa, querelas ad Imperatorem detulerunt, data epistola, qua Schismaticorum contra Episcopos, Concilii Principes, molitiones aperiunt, & subjungunt, *Hanc depositionem Tibi notam fecerunt, ac si totius Concilii consensu fuisset probata; quo comperto, Majestas tua imperavit, ut rata haberetur, nam totius Concilii opus esse credebas, quod Nestorii Seditatores, cupiditate vindictæ acti, quia ipse depositus a nobis esset, fecerunt. (\*) Hinc omnes ad tuam Pietatem confugimus, & rogamus, ut quæ contra Nestorium, & Seditatores ejus, acta sunt, firma, & rata consistant, id vero, quod ipsi adversus Concilii nostri Capita ausi sunt, nullum declaretur. Si enim Sententia Concilii in Nestorium*

Conc. Epli.  
p. 766.

(\*) Alles, was nachfolget, bis auf S. 13. hat der Deutsche Uebersetzer ausgelassen.

**Sæculum V.** *storium jure lata est, & Majestati tua*  
**A. C. 431.** *probatum, pro tua prudentia intelliges, ea,*  
*quæ Nestorii Clientes, vindictæ desiderio*  
*impulsi, egere, alicujus roboris esse non*  
*posse. Te igitur obtestamur, ut tandem*  
*tantis ærumnis nos liberes, & Synodi Ca-*  
*pita, Sanctos Episcopos, Cyrillum, & Mem-*  
*nonem nobis reddi jubeas, æquum enim est,*  
*ut illis, qui nobiscum pro Religione decer-*  
*tarunt, honor habeatur, nullatenus vero*  
*cum illis damnentur, qui Jesum Christum*  
*blasphemasse convincuntur. Huic Episto-*  
*læ Juvenalis Jerosolymitanus, & omnes*  
*cæteri signum apposuerunt.*

*Epist. Cyr.* Longe majoris mali metus Synodum  
*ad C. P.* perturbavit, cum comperissent Patres,  
*Conc. Eph.* Comiti Joanni, ad Imperatorem, quæ ge-  
*p. 760.* sta essent, perscribenti, fidelitatem defu-  
 isse, jamque in Regia deliberari, an non  
 expediret, S. Cyrillum, & Memnonem,  
 quod eorum depositio a Concilio fuisset  
 ratihabita, in exilium mittere. Ergo  
 perterriti Catholici secundo, & multo  
 instantius ad Imperatorem scripserunt:  
 in hæc verba: *Epistola, quam modo no-*

*Conc. Eph.* *bis Comes Joannes prælegit, omnium ani-*  
*p. 768.* *mos mærore implevit, dum videmus, quam*  
*falsa ad aures tuas delata sint. Quippe*  
*ita Majestas tua nobis respondet, ac si a*  
*nobis libellum de actis Depositionis Sancto-*  
*rum Episcoporum Cyrilli, & Memnonis*  
*accepisses; hinc Majestati tuæ repræsen-*  
*tare*

tare audemus, quod Concilium Oecumeni-  
 cum, cui universus Occidens cum Apostoli-  
 ca Sede Romana, tota Africa, totumque Il-  
 lyricum consentit, hos Sanctos Episcopos  
 non deposuerit, sed e contrario magnum  
 eorum pro fide zelum plurimi faciat, dig-  
 nosque censeat, qui ab hominibus maximas  
 laudes, & a Jesu Christo Coronam glo-  
 riæ recipiant. Nos vero neminem, nisi  
 Nestorium Hæreticum, quod & ad tuam  
 Majestatem perscripsimus, deposuimus.  
 Non parum quoque nos afflixit, cum  
 cerneremus, nominibus nostris obreptitie  
 fuisse immixta nomina Sectatorum Joan-  
 nis Antiocheni, qui a Concilio discesse-  
 runt, itemque Sectatorum Celestii, deposi-  
 torum, qui cum ipso sunt, quodque unam  
 epistolam ad nos, ipsosque direxeris; cum  
 tamen jam diu sit, ex quo per litteras Ti-  
 bi significavimus, quod a Concilio seipsos  
 separaverint, quam atrocem injuriam pri-  
 mis Synodi nostræ Episcopis intulerint, &  
 latam a Concilio in eos excommunicationis  
 sententiam. Edicimus igitur, hos viros  
 in nostram Communionem recipi non pos-  
 se, partim quod, auctoritate ad id destitu-  
 ti, Episcopos meliores se deponere attenta-  
 verint, partim quod hodieque Nestorium  
 Hæreticum defendant, cum Depositioni  
 subscribere tenerentur, & denique, quod  
 Majestati Tuæ imponere impudenter ausi  
 sint. Obsecramus Te! ut nobis Sanctos  
 Episco-

Sæculum V.

A.C. 431.

Sæculum V. *Episcopos Cyrillum, & Memnonem reddas,*  
A. C. 431. *& fidem salvam præstes, quæ in nostris*  
*contra Nestorium actis pura, & integra*  
*elucet. Si de iis, quæ inter nos, & Schis-*  
*maticos gesta sunt, plenius edoceri te ju-*  
*beas, rogamus, ut eos, quoscunque selege-*  
*ris Ministros, ad Concilium mittas, qui*  
*rei veritatem viva voce referant.*

## §. III.

*Alicæ Catholicorum epistolæ.*

*Conc. Eph.* *Concilium ad Episcopos etiam, qui tunc*  
*p. 767.* *Constantinopoli erant, ad Presbyte-*  
*ros, Diaconosque ejusdem Civitatis epi-*  
*stolas dedit in hunc modum: Scitote, nos*  
*Ephesi tanquam in carcere inclusos tribus*  
*jam mensibus existere, nec terra, nec*  
*mari quemquam ad Regiam mittere secure*  
*possumus, aut quocunque alio. Quoties-*  
*cunque enim misimus, qui certa de nobis*  
*referrent, non nisi per mille pericula, di-*  
*versas vias ingressi, & sub alienis, ne pro-*  
*derentur, vestibis, inimicorum insidias*  
*evaserunt. In promptu causa est, cur tam*  
*arcte custodiamur, nempe falsa omnia de*  
*nobis ad Imperatorem detulerunt; sunt,*  
*qui dixerunt, nos seditiones commovere,*  
*alii, Cyrillum, & Memnonem a Concilio*  
*Oecumenico fuisse depositos, alii nos cum*  
*Schismaticis, quorum Caput est Joannes*  
*Antiochenus, amice transgisse. Ne au-*  
*tem Veritas in lucem emergat, includi-*  
*mur,*